

873.

Na osnovu člana 9 Zakona o restriktivnim mjerama („Službeni list CG”, broj 119/24), Vlada Crne Gore, na sjednici od 5. marta 2026. godine, donijela je

**ODLUKU**  
**O UVOĐENJU MEĐUNARODNIH RESTRIKTIVNIH MJERA UTVRĐENIH**  
**ODLUKAMA SAVJETA EVROPSKE UNIJE I REGULATIVAMA EVROPSKE UNIJE S**  
**OBZIROM NA STANJE U REPUBLICI NIGER**

Član 1

Ovom odlukom uvode se međunarodne restriktivne mjere s obzirom na stanje u Republici Niger, koje su utvrđene:

1) odlukama Savjeta Evropske unije 2023/2287/ZVBP od 23. oktobra 2023. godine, 2024/2702/ZVBP od 14. oktobra 2024. godine i 2025/2136/ZVBP od 17. oktobra 2025. godine, kojima se Crna Gora pridružila, u skladu sa vanjskopolitičkim prioritetom usaglašavanja sa Evropskom unijom, u oblasti zajedničke vanjske i bezbjednosne politike; i

2) regulativama Evropske unije 2023/2406 od 23. oktobra 2023. godine i 2024/2465 od 10. septembra 2024. godine, kojima se Crna Gora pridružila, u skladu sa vanjskopolitičkim prioritetom usaglašavanja sa Evropskom unijom, u oblasti zajedničke vanjske i bezbjednosne politike.

Član 2

Stalni aktivni link za pristup prečišćenom (konsolidovanom) tekstu odluka iz člana 1 stav 1 tačka 1 ove odluke, objavljenih u Službenom listu Evropske unije je: <https://eur-lex.europa.eu/legal-content/EN/TXT/?uri=CELEX%3A02023D2287-2025102> od 21. oktobra 2025. godine.

Stalni aktivni link za pristup prečišćenom (konsolidovanom) tekstu regulativa iz člana 1 stav 1 tačka 2 ove odluke, objavljenih u Službenom listu Evropske unije je: <https://eur-lex.europa.eu/legal-content/EN/TXT/?uri=CELEX%3A02023R2406-20240913> od 13. septembra 2024. godine.

Član 3

Zabrane, ograničenja i izuzeci od zabrana i ograničenja i druge restriktivne mjere predviđene odlukama i regulativama iz člana 1 ove odluke koje se odnose na države članice Evropske unije primjenjuju se u Crnoj Gori danom donošenja ove odluke.

Član 4

Ministarstvo finansija, Ministarstvo ekonomskog razvoja, Ministarstvo unutrašnjih poslova, Ministarstvo pomorstva, Ministarstvo saobraćaja, Ministarstvo energetike i rudarstva, Ministarstvo javnih radova, Agencija za sprečavanje korupcije, Agencija za nacionalnu bezbjednost, Agencija za civilno vazduhoplovstvo, Agencija za elektronske medije, Uprava za nekretnine, Uprava za državnu imovinu, Poreska uprava, Uprava carina, Centralna banka Crne Gore, kreditne i druge finansijske institucije, kao i drugi organi, fizička lica koja obavljaju djelatnost, pravna lica, odnosno drugi subjekti i tijela nadležni za primjenu restriktivnih mjera koje su uvedene ovom odlukom, dužni su da, u okviru svojih nadležnosti, odnosno djelatnosti, obezbijede primjenu ove odluke.

Član 5

Nadležni organi, fizička lica, pravna lica, odnosno drugi subjekti i tijela iz člana 4 ove odluke, dužni su da, u skladu sa članom 66 stav 1 Zakona o restriktivnim mjerama, podatke o primjeni ove odluke unose u pojedinačne evidencije o primjeni restriktivnih mjera, kao i da te podatke dostavljaju Stalnom koordinacionom tijelu za restriktivne mjere.

## Član 6

Na Crnu Goru ne odnose se odredbe odluka i regulativa iz člana 1 ove odluke koje regulišu prava i obaveze između države članice Evropske unije, s jedne strane, i institucija, tijela, agencija i službi Evropske unije ili mehanizama koje uspostavi Evropska unija, kao i drugih država članica Evropske unije, sa druge strane, i to:

- traženje i davanje saglasnosti, podnošenje izvještaja, obavještanje prema/ili od strane institucija, tijela, agencija i službi Evropske unije ili mehanizama koje uspostavi Evropska unija, odnosno prema/ili od strane države članice Evropske unije;

- finansijska ili bilo koja druga davanja ili obaveze u korist institucija, tijela, agencija i službi Evropske unije ili mehanizama koje uspostavi Evropska unija, odnosno u korist države članice Evropske unije;

- odgovornost koja proizilazi isključivo iz punopravnog članstva u Evropskoj uniji za kršenje obaveza koje su propisane odlukama Savjeta Evropske unije i regulativama Evropske unije iz člana 1 ove odluke;

- unutrašnje odnose u Evropskoj uniji, između Evropske unije i njenih država članica ili između država članica Evropske unije međusobno.

## Član 7

Ova odluka će se primjenjivati do 24. oktobra 2026. godine.

Ako Savjet Evropske unije, prije isteka vremena iz stava 1 ovog člana, donese odluku o produženju primjene međunarodnih restriktivnih mjera, ova odluka će se primjenjivati do novog roka utvrđenog tom odlukom Savjeta Evropske unije.

## Član 8

Ministarstvo vanjskih poslova, u skladu sa Zakonom o restriktivnim mjerama, na svojoj internet stranici objavljuje tekst odluka i regulativa iz člana 1 ove odluke, sa prevodom na crnogorski jezik.

## Član 9

U slučaju bilo kakvog odstupanja u tumačenju odredbi odluka i regulativa iz člana 1 ove odluke, mjerodavan je tekst na engleskom jeziku.

## Član 10

Ova odluka objaviće se u „Službenom listu Crne Gore“.

Broj: 11-011/26-692/3

Podgorica, 5. marta 2026. godine

**Vlada Crne Gore**  
Predsjednik,  
mr **Milojko Spajić**, s.r.

---

Ovaj je tekst namijenjen je isključivo dokumentovanju i nema pravni učinak. Institucije Unije nisu odgovorne za njegov sadržaj. Vjerodostojne verzije relevantnih akata, uključujući njihove preambule, one su koje su objavljene u Službenom listu Evropske unije i dostupne u EUR-Lexu. Tim službenim tekstovima može se direktno pristupiti putem linkova sadržanih u ovom dokumentu.

**ODLUKA SAVJETA (ZVBP) 2023/2287**  
**od 23. oktobra 2023.**

[o restriktivnim mjerama s obzirom na stanje u Nigeru](#)

( L 2287 24.10.2023, 1)

Koju je izmijenila:

	br.	stranica	datum
► M 1	<a href="#">ODLUKA SAVJETA (ZVBP) 2024/2702 od 14. oktobra 2024.</a>	L 2702	115.10.2024
► M 2	<a href="#">ODLUKA SAVJETA (ZVBP) 2025/2136 od 17. oktobra 2025.</a>	L 2136	120.10.2025

---

▼ B

**ODLUKA SAVJETA (ZVBP) 2023/2287**  
**od 23. oktobra 2023.**

o restriktivnim mjerama s obzirom na stanje u Nigeru

*Član 1.*

1.

Države članice preduzimaju potrebne mjere kako bi spriječile ulazak na svoje državno područje ili tranzit kroz njega fizičkim licima:

(a)

koji su odgovorni za djelovanja ili politike kojima se ugrožava mir, stabilnost ili bezbjednost Nigera, ili su u njima direktno ili indirektno učestvovali, pružaju im podršku, ili imaju koristi od njih;

(b)

koji podrivaju ustavni poredak u Nigeru;

(c)

čijim se djelovanjima, politikama ili aktivnostima podriva demokratija ili vladavina prava u Nigeru, između ostalog koji su odgovorni za proizvoljno pritvaranje demokratski izabranih organa vlasti Nigera;

(d)

koji učestvuju u planiranju, usmjeravanju ili izvršenju djela u Nigeru koja predstavljaju ozbiljna kršenja ili povrede ljudskih prava ili kršenja međunarodnog humanitarnog prava, kako je primjenjivo;

(e)

koji su povezani s fizičkim licima navedenima u tačkama od (a) do (d), ili s fizičkim ili pravnim licima uvrštenima na popis na osnovu člana 2. stava 1.,

kako su navedene na popisu u Prilogu.

2.

Stavom 1. ne obavezuje se država članica da svojim državljanima odbije ulazak na svoje državno područje.

3.

Stavom 1. ne dovode se u pitanje slučajevi u kojima državu članicu obavezuje međunarodno pravo, odnosno:

(a)

kao državu domaćina međunarodne međuvladine organizacije;

(b)

kao državu domaćina međunarodne konferencije koju su sazvale Ujedinjene nacije ili međunarodne konferencije koja se održava pod njihovim pokroviteljstvom;

(c)

u okviru multilateralnog sporazuma o dodijeljenim povlasticama i imunitetima; ili

(d)

u okviru Ugovora o mirenju (pakt iz Laterana) iz 1929. koji su sklopile Sveta Stolica (Država Vatikanskoga Grada) i Italija.

4.

Stav 3. primjenjuje se i u slučajevima u kojima je država članica zemlja domaćin Organizacije za evropsku bezbjednost i saradnju (OEBS).

5.

Savjet se uredno izvještava o svim slučajevima u kojima država članica odobrava izuzetak na osnovu stava 3. ili 4.

6.

Države članice mogu odobriti izuzetke od mjera uvedenih na osnovu stava 1. ako je putovanje opravdano zbog hitne humanitarne potrebe ili radi učestvovanja na međuvladinim sastancima ili sastancima koje promoviše ili čiji je domaćin Unija, ili čiji je domaćin država članica koja predsjedava OEBS-om, na kojima se odvija politički dijalog

kojim se direktno promovišu ciljevi politike restriktivnih mjera, uključujući podršku stabilnosti i ponovnom uspostavljanju ustavnog poretka u Nigeru.

7.

Države članice mogu odobriti i izuzetke od mjera uvedenih na osnovu stava 1. ako je ulazak ili tranzit lica potreban zbog sprovođenja sudskog postupka.

8.

Država članica koja želi odobriti izuzetak na osnovu stava 6. ili 7. o tome obavještava Savjet u pisanom obliku. Smatra se da je izuzetak odobren, osim ako jedna ili više država članica ulože pisani prigovor u roku od dva radna dana od prijema obavještenja o predloženom izuzeću. Ako jedna ili više država članica ulože prigovor, Savjet može, odlučujući kvalifikovanom većinom, odlučiti odobriti predloženi izuzetak.

9.

U slučajevima kada na osnovu stava 3., 4., 6., 7. ili 8., država članica odobrava ulazak na svoje državno područje ili tranzit kroz to područje fizičkim licima uvrštenima na popis u Prilogu, to odobrenje se ograničava na *svrhu* za koju je izdano dotičnom licu.

## *Član 2.*

1.

Sva sredstva i ekonomski izvori koji pripadaju, ili su u vlasništvu, ili u posjedu ili pod kontrolom fizičkih ili pravnih lica, subjekata ili organa:

(a)

koji su odgovorni za djelovanja ili politike kojima se ugrožava mir, stabilnost ili bezbjednost Nigera, ili su u njima direktno ili indirektno učestvovali, pružaju im podršku, ili imaju koristi od njih;

(b)

koji podrivaju ustavni poredak u Nigeru;

(c)

čijim se djelovanjima, politikama ili aktivnostima podriva demokratija ili vladavina prava u Nigeru, između ostalog koji su odgovorni za proizvoljno pritvaranje demokratski izabраниh organa vlasti Nigera;

(d)

koji učestvuju u planiranju, usmjeravanju ili izvršenju djela u Nigeru koja predstavljaju ozbiljna kršenja ili povrede ljudskih prava ili kršenja međunarodnog humanitarnog prava, kako je primjenjivo;

(e)

koji su povezani s fizičkim ili pravnim licima, subjektima ili tijelima iz tačaka od (a) do (d),

kako su navedeni na popisu u Prilogu, zamrzavaju se.

2.

Ni sredstva ni ekonomski izvori ne smiju se staviti na raspolaganje, direktno ili indirektno, fizičkim ili pravnim licima, subjektima ili tijelima uvrštenima na popis u Prilogu ni u njihovu korist.

3.

Odstupajući od stava 1. ili 2., nadležni organi država članica mogu odobriti oslobađanje odnosno stavljanje na raspolaganje određenih zamrznutih sredstava ili ekonomskih izvora, pod uslovima koje smatraju odgovarajućima, nakon što utvrde da su ta sredstva ili ti ekonomski izvori:

(a)

potrebni za zadovoljenje osnovnih potreba lica uvrštenih na popis u Prilogu i njihovih izdržavanih članova porodice, uključujući plaćanja za hranu, stanarinu ili otplatu hipoteke, lijekove i liječenje, poreze, premije osiguranja i naknade za javne komunalne usluge;

(b)

namijenjeni isključivo za plaćanje opravdanih honorara i naknadu nastalih troškova povezanih s pružanjem pravnih usluga;

(c)

namijenjeni isključivo za plaćanje troškova ili naknada za usluge redovnog čuvanja zamrznutih sredstava ili ekonomskih izvora ili upravljanja njima;

(d)

potrebni za vanredne troškove, pod uslovom da je dotično nadležno tijelo najmanje dvije sedmice prije odobrenja obavijestilo nadležne organe drugih država članica i Komisiju o razlozima na osnovu kojih smatra da bi određeno odobrenje trebalo izdati; ili

(e)

namijenjeni za uplatu na račun ili za isplatu s računa diplomatske misije ili konzularne kancelarije ili međunarodne organizacije koji uživaju imunitet u skladu s međunarodnim pravom, pod uslovom da su takva plaćanja namijenjena za službene potrebe diplomatske misije ili konzularne kancelarije ili međunarodne organizacije.

Dotična država članica dužna je obavijestiti ostale države članice i Komisiju o svakom odobrenju izdatom na osnovu ovog stava u roku od dvije sedmice od takvog odobrenja.

4.

Odstupajući od stava 1., nadležni organi država članica mogu odobriti oslobađanje određenih zamrznutih sredstava ili ekonomskih izvora, ako su ispunjeni sljedeći uslovi:

(a)

sredstva ili ekonomski izvori predmet su arbitražne odluke donesene prije datuma na koji su fizička ili pravna lica, subjekt ili tijelo iz stava 1. uvršteni na popis iz Priloga, ili su predmet sudske ili upravne odluke donesene u Uniji, ili sudske odluke izvršive u dotičnoj državi članici, prije ili nakon tog datuma;

(b)

sredstva ili ekonomski izvori upotrijebiće se isključivo za namirenje potraživanja obezbjeđenih takvom odlukom ili koja su priznata kao valjana u takvoj odluci, unutar granica određenih važećim pravom i propisima kojima se uređuju prava povjerilaca;

(c)

odluka nije u korist fizičkog ili pravnog lica, subjekta ili organa uvrštenih na popis u Prilogu;

i

(d)

priznavanje odluke nije protivno javnom poretku dotične države članice.

Dotična država članica dužna je obavijestiti ostale države članice i Komisiju o svakom odobrenju izdatom na osnovu ovog stava u roku od dvije sedmice od takvog odobrenja.

5.

Stavom 1. ne sprečavaju se fizička ili pravna lica, subjekt ili tijelo uvršteni na popis iz Priloga da izvrše plaćanje dospjelo na osnovu ugovora ili sporazuma koji je sklopljen, ili obaveze koja je nastala, prije datuma na koji su ta fizička ili pravna lica, taj subjekt ili to tijelo uvršteni na navedeni popis, pod uslovom da je dotična država članica utvrdila da plaćanje ne primaju, direktno ili indirektno, fizička ili pravna lica, subjekt ili tijelo iz stava 1.

6.

Stav 2. ne primjenjuje se na priliv na zamrznute račune na ime:

(a)

kamata ili drugih prihoda po tim računima, pod uslovom da takve kamate ili drugi prihodi i dalje podliježu mjerama predviđenima u stavu 1.;

(b)

plaćanja dospjelih na osnovu ugovora, sporazuma ili obaveza koji su sklopljeni ili nastali prije datuma od kojeg ti računi podliježu mjerama predviđenima u stavovima 1. i 2., pod uslovom da takva plaćanja i dalje podliježu mjerama predviđenima u stavu 1.; ili

(c)

plaćanja dospjelih osnovu sudskih, upravnih ili arbitražnih odluka donesenih u Uniji ili izvršivih u dotičnoj državi članici, pod uslovom da takva plaćanja i dalje podliježu mjerama predviđenima u stavu 1.

7.

Stavovi 1. i 2. ne primjenjuju se na pružanje, obradu ili plaćanje sredstava, druge financijske imovine ili ekonomskih izvora ni na pružanje robe i usluga, koji su potrebni za obezbjeđivanje pravovremene isporuke humanitarne pomoći ili za podršku drugim aktivnostima kojima se podržavaju osnovne ljudske potrebe ako tu isporuku pomoći i druge aktivnosti sprovode:

(a)

Ujedinjene nacije, uključujući njihove programe, fondove i druge subjekte i organe, te njihove specijalizovane agencije i povezane organizacije;

(b)

međunarodne organizacije;

(c)

humanitarne organizacije sa statusom posmatrača u Generalnoj skupštini Ujedinjenih nacija i članovi tih humanitarnih organizacija;

(d)

bilateralno ili multilateralno finansirane nevladine organizacije koje učestvuju u planovima za humanitarni odgovor Ujedinjenih nacija, planovima za odgovor za izbjeglice, drugim apelima Ujedinjenih nacija ili humanitarnim klasterima koje koordiniše Kancelarija Ujedinjenih nacija za koordinaciju humanitarnih pitanja (OCHA);

(e)

organizacije i agencije kojima je Unija izdala sertifikat o humanitarnom partnerstvu ili koje je država članica sertifikovala ili priznala u skladu s nacionalnim procedurama;

(f)

specijalizovane agencije država članica; ili

(g)

zaposleni, korisnici bespovratnih sredstava, filijale ili partneri za sprovođenje subjekata iz tačaka od (a) do (f) dok i u mjeri u kojoj djeluju u tom svojstvu.

8.

U slučajevima koji nisu obuhvaćeni stavom 7. i odstupajući od stava 1. ili 2. ovog člana, nadležni organi države članice mogu odobriti oslobađanje određenih zamrznutih sredstava ili ekonomskih izvora, ili stavljanje na raspolaganje određenih sredstava ili ekonomskih izvora, pod uslovima koje smatraju odgovarajućim, nakon što utvrde da je pružanje tih sredstava ili ekonomskih izvora potrebno da se obezbjedi pravovremena isporuka humanitarne pomoći ili za podršku drugim aktivnostima kojima se podržavaju osnovne ljudske potrebe.

9.

Ako u roku od pet radnih dana od dana prijema zahtjeva za odobrenje na osnovu stava 8. dotično nadležno tijelo ne donese negativnu odluku, ne zatraži informacije niti izda obavještenje za dodatno vrijeme, smatra se da je to odobrenje izdato.

Dotična država članica dužna je obavijestiti ostale države članice i Komisiju o svakom odobrenju izdatom na osnovu ovog člana u roku od četiri sedmice od takvog odobrenja.

### *Član 3.*

1.

Savjet, djelujući jednoglasno na predlog države članice ili Visokog predstavnika Unije za vanjske poslove i bezbjednosnu politiku („Visoki predstavnik”), uspostavlja i mijenja popis naveden u Prilogu.

2.

Savjet svoju odluku iz stava 1., uključujući razloge za uvrštavanje na popis, saopštava dotičnoj fizičkom ili pravnom licu, subjektu ili tijelu direktno, ako je adresa poznata, ili objavom obavještenja, čime se tom fizičkom ili pravnom licu, subjektu ili tijelu pruža mogućnost izjašnjavanja.

3.

Ako se izjašnjavanje podnese ili se predoče novi važni dokazi, Savjet preispituje odluku iz stava 1. i u skladu s tim obavještava dotično fizičko ili pravno lice, subjekt ili tijelo.

### *Član 4.*

1.

U Prilogu se navode razlozi za uvrštenje na popis fizičkih i pravnih lica, subjekata i organa iz Člana 1. i 2.

2.

Prilog sadrži informacije potrebne za utvrđivanje identiteta dotičnih fizičkih ili pravnih lica, subjekata ili organa, ako su te informacije dostupne. Za fizička lica te informacije mogu uključivati: imena i lažna imena; datum i mjesto rođenja; državljanstvo; broj lične karte i lične karte; pol; adresu, ako je poznata; i funkciju ili zanimanje. Za pravna lica, subjekte ili organa, te informacije mogu uključivati nazive; mjesto i datum upisa u registar; broj upisa u registar; i mjesto poslovanja.

#### *Član 5.*

1.

Savjet i Visoki predstavnik mogu obrađivati lične podatke kako bi obavili svoje zadatke na osnovu ove Odluke, a naročito:

(a)

u pogledu Savjeta, izradu izmjena Priloga i sprovođenje izmjena Priloga;

(b)

u pogledu Visokog predstavnika, izradu izmjena Priloga;

2.

Savjet i Visoki predstavnik obrađuju, kada je to primjenjivo, relevantne podatke u vezi sa krivičnim djelima koja su izvršila fizička lica uvrštena na popis, osuđujućim presudama u krivičnim stvarima protiv tih lica ili bezbjednosnim mjerama koje se odnose na ta lica samo u onoj mjeri u kojoj je takva obrada potrebna za izradu Priloga.

3.

Za potrebe ove Odluke, Savjet i Visoki predstavnik određuju se „rukovodiocem obrade” u smislu člana 3. tačke 8. Uredbe (EU) 2018/1725 Evropskog parlamenta i Savjeta ([1](#)) kako bi se obezbjedilo da dotične fizička lica mogu ostvarivati svoja prava na osnovu te uredbe.

#### *Član 6.*

Ne udovoljava se nijednom zahtjevu u vezi s bilo kojim ugovorom ili transakcijom na čije su izvršenje direktno ili indirektno, u cijelosti ili djelomično, uticale mjere uvedene ovom Odlukom, uključujući zahtjeve za odštetu ili bilo koje druge zahtjeve te vrste, na primjer zahtjev za naknadu štete ili zahtjev na osnovu jemstva, konkretno zahtjev za produženje ili plaćanje obveznice, jemstva ili odštete, naročito finansijskog jemstva ili finansijske odštete, u bilo kojem obliku, ako ga podnesu:

(a)

fizička ili pravna lica, subjekti ili organa uvršteni na popis u Prilogu;

(b)

bilo koja fizička ili pravna lica, subjekt ili tijelo koji djeluju preko jednog od fizičkih ili pravnih lica, subjekata ili organa iz tačke (a) ili u njihovo ime.

#### *Član 7.*

Zabranjuje se svjesno ili namjerno učestvovanje u aktivnostima čiji je cilj ili učinak zaobilazanje zabrana utvrđenih u ovoj Odluci.

#### *Član 8.*

Kako bi učinak mjera utvrđenih u ovoj Odluci bio što veći, Unija podstiče treće države da donesu restriktivne mjere slične onima predviđenima u ovoj Odluci.

#### *Član 9.*

##### ▼M1

Ova se Odluka primjenjuje do ►M2\_ 24. oktobra 2026. ◀ .

##### ▼B

Ova se Odluka redovno preispituje. Prema potrebi obnavlja se ili mijenja ako Savjet smatra da njeni ciljevi nisu ispunjeni.

Izuzeci iz člana 2. stava 7., 8. i 9. u pogledu člana 2. stava 1. i 2. redovno se preispituju, a najmanje svakih 12 mjeseci ili, nakon što je došlo do bitne izmjene okolnosti, na hitan zahtjev bilo koje države članice, Visokog predstavnika ili Komisije.

#### *Član 10.*

Ova Odluka stupa na snagu sljedećeg dana od dana objave u *Službenom listu Evropske unije*.

---

---

Ovaj je tekst namijenjen isključivo dokumentovanju i nema pravni učinak. Institucije Unije nisu odgovorne za njegov sadržaj. Vjerodostojne verzije relevantnih akata, uključujući njihove preambule, one su koje su objavljene u Službenom listu Evropske unije i dostupne u EUR-Lexu. Tim službenim tekstovima može se direktno pristupiti putem linkova sadržanih u ovom dokumentu.

► **B** **Uredba Savjeta (EU) 2023/2406**  
**od 23. oktobra 2023.**  
[o restriktivnim mjerama s obzirom na stanje u Nigeru](#)

(L 2406 24.10.2023, 1)

Koju je izmijenila:

	br.	stranica	datum
► <b>M</b> <b>1</b>	Implementaciona <a href="#">Uredba Komisije (eu) 2024/2465 od 10. rujna 2024.</a>	L 2465	112.9.2024

---

▼ **B** **UREDBA VIJEĆA (EU) 2023/2406**  
**od 23. oktobra 2023.**

o restriktivnim mjerama s obzirom na stanje u Nigeru

*Član 1.*

Za potrebe ove Uredbe primjenjuju se sljedeće definicije:

(a)

„zahtjev” znači svaki zahtjev, nezavisno o tome je li istaknut u pravnom postupku ili ne, koji je podnesen prije ili nakon dana stupanja na snagu ove Uredbe, koji se zasniva na ugovoru ili transakciji ili je povezan s ugovorom ili transakcijom, a naročito:

i.

zahtjev za ispunjenje bilo koje obaveze koja proizlazi iz ugovora ili transakcije ili je povezana s ugovorom ili transakcijom;

ii.

zahtjev za produženje dospijea ili plaćanje obveznice, finansijskog jemstva ili odštete u bilo kojem obliku;

iii.

zahtjev za naknadu štete u vezi s ugovorom ili transakcijom;

iv.

protivzahtjev;

v.

zahtjev za priznavanje ili izvršenje, između ostaloga i postupkom egzekviture, presude, arbitražne odluke ili ekvivalentne odluke, nezavisno o tome gdje je donesena ili izrečena;

(b)

„ugovor ili transakcija” znači sve vrste transakcija nezavisno o obliku i mjerodavnom pravu, bilo da sadrže jedan ili više ugovora ili slične obaveze među istim ili različitim strankama; za ove potrebe „ugovor” uključuje obveznicu, jamstvo ili odštetu, posebno finansijsko jamstvo ili odštetu, i kredite, bilo da su pravno nezavisni ili ne, te odgovarajuće odredbe koje proizlaze iz transakcije ili su s njom povezane;

(c)

„nadležna tijela” odnosi se na nadležna tijela država članica navedena na internetskim stranicama iz Priloga II.;

(d)

„ekonomski izvori” znači imovina bilo koje vrste, bilo materijalna ili nematerijalna, pokretna ili nepokretna, koja ne predstavlja sredstva, ali koja se može koristiti za pribavljanje sredstava, robe ili usluga;

(e)

„zamrzavanje ekonomskih izvora” znači sprečavanje upotrebe ekonomskih izvora s ciljem sticanja sredstava, robe ili usluga na bilo koji način, uključujući, ali ne ograničavajući se na njihovu prodaju, davanje u najam ili stavljanje pod hipoteku;

(f)

„zamrzavanje sredstava” znači sprečavanje svakog premještanja, prenosa, izmjene, upotrebe sredstava, pristupa ili raspolaganja sredstvima na bilo koji način koji bi doveo do bilo kakve promjene njihovog opsega, iznosa, lokacije, vlasništva, posjedovanja, svojstva, odredišta ili neke druge promjene kojom bi se omogućilo korištenje sredstava, uključujući upravljanje portfeljem;

(g)

„sredstva” znači finansijska imovina i koristi bilo koje vrste, uključujući, ali ne ograničavajući se na:

i.

novac, čekove, novčana potraživanja, mjenice, platne naloge i druge platne instrumente;

ii.

depozite u finansijskim institucijama ili drugim subjektima, stanja salda na računima, dugove i dužničke obaveze;

iii.

vrijednosne papire i dužničke instrumente kojima se trguje javno ili privatno, uključujući udjele i akcije, potvrde o hartijama od vrijednosti, obveznice, dužničke zapise, varante, dužničke hartije i ugovore o izvedenim finansijskim instrumentima;

iv.

kamate, dividende ili druge prihode od imovine ili vrijednost koja je proizašla iz imovine;

v.

kredite, prava na prebijanje, jemstva, garancije za dobro izvršenje posla ili druge finansijske obaveze;

vi.

akreditive, teretnice, kupoprodajne ugovore;

vii.

dokumente kojima se dokazuje udio u sredstvima ili finansijskim izvorima;

(h)

„područje Unije” znači državna područja država članica na koja se primjenjuje Ugovor o Evropskoj uniji, u skladu s uslovima utvrđenima u tom ugovoru, uključujući njihov vazdušni prostor.

## *Član 2.*

1.

Zamrzavaju se sva sredstva i ekonomski izvori koji pripadaju fizičkoj ili pravnoj osobi, subjektu ili tijelu iz Priloga I. ili su u njihovu vlasništvu ili posjedu ili pod njihovom kontrolom.

2.

Ni sredstva ni ekonomski izvori ne smiju se staviti na raspolaganje, direktno ili indirektno, fizičkim ili pravnim licima, subjektima ili tijelima uvrštenima na popis u Prilogu I. ni u njihovu korist.

3.

Prilog I. uključuje fizičke ili pravne lica, subjekte ili tijela:

(a)

koji su odgovorni za djelovanja ili politike kojima se ugrožava mir, stabilnost ili bezbjednost Nigera, ili su u njima direktno ili indirektno učestovali, pružaju im podršku, ili imaju koristi od njih;

(b)

koji podrivaju ustavni poredak u Nigeru;

(c)

čijim se djelovanjima, politikama ili aktivnostima podriva demokratija ili vladavina prava u Nigeru, između ostalog one koji su odgovorni za proizvoljno pritvaranje demokratski izabраниh organa vlasti Nigera;

(d)

koji učestvuju u planiranju, usmjeravanju ili izvršenju djela u Nigeru koja predstavljaju ozbiljna kršenja ili povrede ljudskih prava ili kršenja međunarodnog humanitarnog prava, kako je primjenjivo;

(e)

koji su povezani s fizičkim ili pravnim licima, subjektima ili tijelima iz tačaka od (a) do (d).

### *Član 3.*

1.

Odstupajući od člana 2. stavova 1. ili 2., nadležna tijela mogu odobriti oslobađanje odnosno stavljanje na raspolaganje određenih zamrznutih sredstava ili ekonomskih izvora, pod uslovima koje smatraju odgovarajućim, nakon što utvrde da su ta sredstva ili ti ekonomski izvori:

(a)

potrebni za zadovoljenje osnovnih potreba fizičkih ili pravnih lica, subjekata ili tijela uvrštenih na popis u Prilogu I. i izdržanih članova porodice tih fizičkih lica, uključujući plaćanja za hranu, stanarinu ili otplatu hipoteke, lijekove i liječenje, poreze, premije obezbjeđenja i naknade za javne komunalne usluge;

(b)

namijenjeni isključivo za plaćanje opravdanih honorara ili naknadu nastalih troškova povezanih s pružanjem pravnih usluga;

(c)

namijenjeni isključivo za plaćanje naknada ili naknada za usluge redovnog čuvanja zamrznutih sredstava ili ekonomskih izvora ili upravljanja njima;

(d)

potrebni za vanredne troškove, pod uslovom da je dotično nadležno tijelo najmanje dvije sedmice prije odobrenja obavještenjeilo nadležna tijela drugih država članica i Komisiju o razlozima na osnovu kojih smatra da bi određeno odobrenje trebalo izdati; ili

(e)

namijenjeni za uplatu na račun ili isplatu s računa diplomatske misije ili konzularne kancelarije ili međunarodne organizacije koja uživa imunitet u skladu s međunarodnim pravom, pod uslovom da su takva plaćanja namijenjena za službene potrebe diplomatske misije ili konzularne kancelarije ili međunarodne organizacije.

2.

Dotična država članica dužna je obavještenjeiti ostale države članice i Komisiju o svakom odobrenju izdatom na osnovu stava 1. u roku od dvije sedmice od takvog odobrenja.

### *Član 4.*

1.

Član 2. stavovi 1. i 2. ne primjenjuju se na stavljanje na raspolaganje sredstava ili ekonomskih izvora potrebnih za pravovremenu isporuku humanitarne pomoći ili za podršku drugim aktivnostima kojima se podržavaju osnovne ljudske potrebe ako tu isporuku pomoći i druge aktivnosti sprovode:

(a)

Ujedinjene nacije, uključujući njihove programe, fondove i druge subjekte i tijela, kao i njihove specijalizovane agencije i povezane organizacije;

(b)

međunarodne organizacije;

(c)

humanitarne organizacije sa statusom posmatrača u Generalnoj skupštini Ujedinjenih nacija i članovi tih humanitarnih organizacija;

(d)

bilateralno ili multilateralno finansirane nevladine organizacije koje učestvuju u planovima za humanitarni odgovor Ujedinjenih nacija, planovima za izbjeglice, drugim apelima Ujedinjenih nacija ili humanitarnim klasterima koje koordiniše Kancelarija Ujedinjenih nacija za koordinaciju humanitarnih poslova (OCHA);

(e)

organizacije i agencije kojima je Unija izdala sertifikat o humanitarnom partnerstvu ili koje je država članica sertifikovala ili priznala u skladu s nacionalnim procedurama;

(f)

specijalizovane agencije država članica; ili

(g)

zaposleni, korisnici bespovratnih sredstava, podružnice ili partneri za sprovođenje subjekata navedenih u tačkama od (a) do (f) dok i u mjeri u kojoj djeluju u tom svojstvu.

2.

Ne dovodeći u pitanje stav 1. i odstupajući od člana 2. stavova 1. i 2., nadležna tijela u državama članicama mogu odobriti oslobađanje određenih zamrznutih sredstava ili ekonomskih izvora, ili stavljanje na raspolaganje određenih sredstava ili ekonomskih izvora, pod uslovima koje smatraju odgovarajućim, nakon što utvrde da je pružanje tih sredstava ili ekonomskih izvora potrebno da se obezbjedi pravovremena isporuka humanitarne pomoći ili za podršku drugim aktivnostima kojima se podržavaju osnovne ljudske potrebe.

3.

Ako u roku od pet radnih dana od dana prijema zahtjeva za odobrenje na osnovu stava 2. dotično nadležno tijelo ne donese negativnu odluku, ne zatraži informacije niti izda obavještenje za dodatno vrijeme, smatra se da je to odobrenje izdato.

Dotična država članica dužna je obavijestiti ostale države članice i Komisiju o svakom odobrenju izdatom na osnovu ovog člana u roku od četiri sedmice od takvog odobrenja.

## *Član 5.*

1.

Odstupajući od člana 2. stava 1. nadležna tijela mogu odobriti oslobađanje određenih zamrznutih sredstava ili ekonomskih izvora ako su ispunjeni sljedeći uslovi:

(a)

sredstva ili ekonomski izvori predmet su arbitražne odluke donesene prije datuma na koji su fizička ili pravna lica, subjekt ili tijelo iz člana 2. uvršteni na popis iz Priloga I. ili su predmet sudske ili upravne odluke donesene u Uniji, ili sudske odluke izvršive u dotičnoj državi članici, prije ili poslije tog datuma;

(b)

sredstva ili ekonomski izvori upotrijebiće se isključivo za namirenje potraživanja obezbjeđenih takvom odlukom ili koja su priznata kao valjana u takvoj odluci, unutar granica određenih važećim pravom i propisima kojima se uređuju prava povjerilaca;

(c)

odluka nije u korist fizičke ili pravne lica, subjekta ili tijela uvrštenih na popis u Prilogu I.; i

(d)

priznavanje odluke nije protivno javnom poretku dotične države članice.

2.

Dotična država članica dužna je obavijestiti ostale države članice i Komisiju o svakom odobrenju izdatom na osnovu stava 1. u roku od dvije sedmice od takvog odobrenja.

#### *Član 6.*

1.

Odstupajući od člana 2. stava 1. i pod uslovom da za fizičko ili pravno lice, subjekt ili tijelo s popisa u Prilogu I. dospije plaćanje na osnovu ugovora ili sporazuma koji su sklopili odnosno obaveze koju su preuzeli prije datuma na koji su ta fizička ili pravna lica, taj subjekt ili to tijelo uvršteni na popis u Prilogu I., nadležna tijela mogu, pod uslovima koje smatraju odgovarajućim, odobriti oslobađanje određenih zamrznutih sredstava ili ekonomskih izvora, pod uslovom da je dotično nadležno tijelo utvrdilo:

(a)

da će sredstva ili ekonomske izvore upotrijebiti za plaćanje fizička ili pravna lica, subjekt ili tijelo iz Priloga I.; i

(b)

da se plaćanjem ne krši Član 2. stav 2.

2.

Dotična država članica dužna je obavijestiti ostale države članice i Komisiju o svakom odobrenju izdatom na osnovu stava 1. u roku od dvije sedmice od takvog odobrenja.

#### *Član 7.*

1.

Članom 2. stavom 2. ne sprečavaju se finansijske ili kreditne institucije da na zamrznute račune prime sredstva koja u korist fizičke ili pravne lica, subjekta ili tijela s popisa uplaćuju treće strane, pod uslovom da se zamrzne i svaki takav priliv na te račune. Finansijska ili kreditna institucija dužna je da bez odlaganja obavijesti relevantno nadležno tijelo o svakoj takvoj transakciji.

2.

Član 2. stav 2. ne primjenjuje se na prilive na zamrznute račune na ime:

(a)

kamata ili drugih prihoda po tim računima, pod uslovom da su sve takve kamate ili drugi prihodi zamrznuti u skladu s članom 2. stavom 1.;

(b)

plaćanja dospjelih na osnovu ugovora, sporazuma ili obaveza koji su sklopljeni ili nastali prije datuma uvrštanja fizičke ili pravne lica, subjekta ili tijela iz člana 2. na popis u Prilogu I., pod uslovom da su sva takva plaćanja zamrznuta u skladu s članom 2. stavom 1.; ili

(c)

plaćanja dospjelih na osnovu sudskih, upravnih ili arbitražnih odluka donesenih u državi članici ili izvršivih u dotičnoj državi članici, pod uslovom da su sva takva plaćanja zamrznuta u skladu s članom 2. stavom 1.

### *Član 8.*

1.

Fizičke i pravne lica, subjekti i tijela dužni su:

(a)

nadležnom tijelu države članice u kojoj borave ili u kojoj se nalaze odmah saopštiti sve informacije koje bi mogle olakšati poštovanje ove Uredbe, kao što su informacije o računima i iznosima zamrznutima u skladu s članom 2. stavom 1., i takve informacije direktno ili preko države članice proslijediti Komisiji; i

(b)

sarađivati s nadležnim tijelom pri svim provjerama informacija iz tačke (a).

2.

Obaveza iz stava 1. primjenjuje se u skladu s nacionalnim ili drugim važećim pravilima o povjerljivosti informacija koje su u posjedu pravosudnih tijela, te dosljedno s poštovanjem povjerljivosti komunikacije između advokata i njihovih klijenata garantovane članom 7. Povelje Evropske unije o osnovnim pravima. Takva komunikacija za te potrebe uključuje komunikaciju koja se odnosi na pravno savjetovanje koje pružaju drugi sertifikovani stručnjaci koji su u skladu s nacionalnim pravom ovlašćeni zastupati stranku u sudskim procedurama, u mjeri u kojoj se takvo pravno savjetovanje pruža u vezi s tekućim ili budućim sudskim procedurama.

3.

Sve dodatne informacije koje Komisija direktno primi stavljaju se na raspolaganje državama članicama.

4.

Sve informacije dostavljene ili primljene u skladu s ovim članom smiju se upotrebljavati samo u svrhe za koje su dostavljene ili primljene.

5.

Nadležna tijela država članica, uključujući tijela za izvršavanje zakonodavstva, carinska tijela u smislu Uredbe (EU) br. 952/2013 Evropskog parlamenta i Savjeta ([1](#)), nadležna tijela u

smislu Uredbe (EU) br. 575/2013 <sup>(2)</sup>, Direktive (EU) 2015/849 <sup>(3)</sup> i Direktive 2014/65/EU <sup>(4)</sup> Evropskog parlamenta i Savjeta, kao i administratori službenih registara u koje su upisana fizička lica, pravna lica, subjekti i tijela te registrovana nepokretna ili pokretna imovina, bez odlaganja obrađuju i razmjenjuju informacije, uključujući lične podatke i, prema potrebi, informacije iz stava 1., s drugim nadležnim tijelima svoje države članice, drugih država članica i s Komisijom, ako su takva obrada i razmjena potrebne za obavljanje zadataka tijela koje obrađuje informacije ili tijela koje prima informacije u skladu s ovom Uredbom, a posebno kad otkriju slučajeve kršenja ili zaobilaženja ili pokušaja kršenja ili zaobilaženja zabrana utvrđenih u ovoj Uredbi.

#### *Član 9.*

1.

Zabranjuje se svjesno i namjerno sudjelovanje u aktivnostima čiji je cilj ili učinak zaobilaženje mjera iz člana 2.

2.

Fizička ili pravna lica, subjekti ili tijela navedeni na popisu iz Priloga I. dužni su:

(a)

u roku od šest sedmica od datuma uvrštanja na popis iz Priloga I. prijaviti sredstva ili ekonomske izvore pod jurisdikcijom države članice koji im pripadaju, u njihovom su vlasništvu, posjedu ili pod njihovom kontrolom, nadležnom tijelu države članice u kojoj se ta sredstva ili ekonomski izvori nalaze; i

(b)

sarađivati s nadležnim tijelom pri svim provjerama takvih informacija.

3.

Nepostupanje u skladu sa stavom 2. smatra se učestvovanjem, u smislu stava 1., u aktivnostima čiji je cilj ili učinak zaobilaženje mjera iz člana 2.

4.

Dotična država članica u roku od dvije sedmice od prijema obavješta Komisiju o informacijama primljenim na osnovu stava 2. tačke (a).

5.

Sve informacije dostavljene ili primljene u skladu s ovim članom smiju se upotrebljavati samo u svrhe za koje su dostavljene ili primljene.

6.

Svaka obrada ličnih podataka sprovodi se u skladu s ovom Uredbom i uredbama (EU) 2016/679 i (EU) 2018/1725 i to samo u mjeri u kojoj je to potrebno za primjenu ove Uredbe.

#### *Član 10.*

1.

Zamrzavanjem sredstava i ekonomskih izvora ili odbijanjem stavljanja na raspolaganje sredstava ili ekonomskih izvora koje je sprovedeno u dobroj vjeri da je takvo postupanje u skladu s ovom Uredbom ne nastaje nikakva odgovornost fizičkog ili pravnog lica odnosno subjekta ili tijela koje ga sprovodi ni njegovih direktora ili zaposlenih, osim ako se dokaže da je zamrzavanje ili zadržavanje sredstava i ekonomskih izvora posljedica nemara.

2.

Postupanjem fizičkih ili pravnih lica, subjekata ili tijela ne nastaje za njih nikakva odgovornost ako nisu znali niti su imali opravdane razloge sumnjati da će svojim postupanjem prekršiti mjere utvrđene u ovoj Uredbi.

#### *Član 11.*

1.

Ne udovoljava se nijednom zahtjevu u vezi s bilo kojim ugovorom ili transakcijom na čije su izvršenje direktno ili indirektno, u cijelosti ili djelimično, uticale mjere određene ovom Uredbom, uključujući zahtjeve za odštetu ili bilo koje druge zahtjeve te vrste, na primjer zahtjev za naknadu štete ili zahtjev na osnovu jemstva, konkretno zahtjev za produženje ili plaćanje obveznice, jemstva ili odštete, naročito finansijskog jemstva ili finansijske odštete, u bilo kojem obliku, ako ga podnesu:

(a)

fizička ili pravna lica, subjekti ili tijela uvršteni na popis u Prilogu I.;

(b)

bilo koja fizička ili pravna lica, subjekt ili tijelo koji djeluju preko jednog od fizičkih ili pravnih lica, subjekata ili tijela iz tačke (a) ili u njihovo ime.

2.

U procedurama za izvršenje zahtjeva teret dokazivanja da ispunjavanje zahtjeva nije zabranjeno stavom 1. na fizičkom je ili pravnom licu, subjektu ili tijelu koji traži izvršenje tog zahtjeva.

3.

Ovim se članom ne dovodi u pitanje pravo fizičkih ili pravnih lica, subjekata i tijela iz stava 1. na sudsko preispitivanje zakonitosti neizvršenja ugovornih obaveza u skladu s ovom Uredbom.

#### *Član 12.*

1.

Komisija i države članice međusobno se obavještavaju o mjerama preduzetim na osnovu ove Uredbe i razmjenjuju sve druge relevantne informacije koje su im na raspolaganju u vezi s ovom Uredbom, a posebno informacije o:

(a)

sredstvima zamrznutima u skladu s članom 2. i odobrenjima izdanim na osnovu odstupanja iz ove Uredbe;

(b)

kršenjima i poteškoćama u sprovođenju te presudama koje donesu nacionalni sudovi.

2.

Države članice odmah obavještavaju jedna drugu i Komisiju o svim drugim relevantnim informacijama kojima raspolažu, a koje bi mogle uticati na djelotvorno sprovođenje ove Uredbe.

### *Član 13.*

1.  
Ako Savjet odluči na fizičko ili pravno lice, subjekt ili tijelo primijeniti mjere iz člana 2., na odgovarajući način mijenja Prilog I.
2.  
Savjet odluku iz stava 1., uključujući razloge za uvrštanje na popis, saopštava dotičnoj fizičkom ili pravnom licu, dotičnom subjektu ili dotičnom tijelu direktno, ako je adresa poznata, ili objavom obavještenja, te tom fizičkom ili pravnom licu, tom subjektu ili tom tijelu pruža mogućnost izjašnjenja.
3.  
Ako se podnesu izjašnjenja ili predlože važni novi dokazi, Savjet preispituje odluku iz stava 1. i o tome na odgovarajući način obavještava dotično fizičko ili pravno lice, dotični subjekt ili dotično tijelo.
4.  
Popis u Prilogu I. preispituje se u redovnim vremenskim razmacima, a najmanje svakih 12 mjeseci.
5.  
Komisija je ovlašćena izmijeniti Prilog II. na osnovu informacija koje dostave države članice.

### *Član 14.*

1.  
U Prilogu I. navode se razlozi za uvrštanje na popis dotičnih fizičkih ili pravnih lica, subjekata ili tijela.
2.  
Prilog I. sadrži informacije potrebne za utvrđivanje identiteta dotičnih fizičkih ili pravnih lica, subjekata ili tijela, ako su te informacije dostupne. Za fizičke lica te informacije mogu uključivati: imena i lažna imena; datum i mjesto rođenja; državljanstvo; broj pasoša i lične karte; pol; adresu, ako je poznata; i funkciju ili zanimanje. Za pravna lica, subjekte ili tijela, te informacije mogu uključivati nazive; mjesto i datum upisa u registar; broj upisa u registar; i mjesto poslovanja.

### *Član 15.*

1.  
Države članice utvrđuju pravila o sankcijama za kršenja odredaba ove Uredbe i preduzimaju sve potrebne mjere radi obezbjeđivanja njihovog sprovođenja. Predviđene sankcije moraju biti efikasne, proporcionalne i odvrćajuće. Države članice predviđaju i odgovarajuće mjere oduzimanja imovinske koristi ostvarene takvim kršenjima.
2.  
Države članice nakon stupanja na snagu ove Uredbe bez odlaganja obavještavaju Komisiju o pravilima iz stava 1. i o svim naknadnim izmjenama.

## Član 16.

1.

Savjet, Komisija i Visoki predstavnik Unije za vanjske poslove i bezbjednosnu politiku („Visoki predstavnik”) mogu obrađivati lične podatke kako bi obavili svoje zadatke na osnovu ove Uredbe. Ti zadaci uključuju:

(a)

u pogledu Savjeta, izradu izmjena Priloga I. i sprovođenje izmjena Priloga I.;

(b)

u pogledu Visokog predstavnika, izradu izmjena Priloga I.;

(c)

u pogledu Komisije;

i.

dodavanje sadržaja Priloga I. u elektronski, konsolidovani popis lica, grupa i subjekata koji podliježu finansijskim sankcijama Unije i u interaktivnu kartu sankcija, koji su oboje dostupni javnosti;

ii.

obradu informacija o učinku mjera iz ove Uredbe, na primjer informacija o vrijednosti zamrznutih sredstava i informacija o odobrenjima koja su dodijelila nadležna tijela.

2.

Savjet, Komisija i Visoki predstavnik obrađuju, kada je to primjenjivo, relevantne podatke u vezi s krivičnim djelima koja su izvršila fizička lica uvrštena na popis, osuđujućim presudama u krivičnim stvarima protiv tih lica ili bezbjednosnim mjerama koje se odnose na ta lica samo u onoj mjeri u kojoj je takva obrada potrebna za izradu Priloga I.

3.

Za potrebe ove Uredbe, Savjet, Komisija i Visoki predstavnik određuju se „rukovodiocem obrade” u smislu člana 3. tačke 8. Uredbe (EU) 2018/1725 kako bi se obezbjedilo da dotična fizičke lica mogu ostvarivati svoja prava na osnovu te uredbe.

## Član 17.

1.

Države članice imenuju nadležna tijela iz ove Uredbe i navode ih na internetskim stranicama iz Priloga II. Države članice obavještavaju Komisiju o svakoj promjeni adrese svojih internetskih stranica iz Priloga II.

2.

Države članice nakon stupanja na snagu ove Uredbe bez odlaganja obavještavaju Komisiju o svojim nadležnim tijelima, između ostalog o kontakt podacima tih nadležnih tijela, te o svim naknadnim izmjenama.

3.

Ako je ovom Uredbom utvrđena obaveza da se Komisiji pošalje notifikacija, da se informiše ili da se s njom na drugi način komunicira, za tu se komunikaciju upotrebljavaju se adresa i drugi podaci za kontakt navedeni u Prilogu II.

#### Član 18.

Komisija sve informacije dostavljene ili primljene u skladu s ovom Uredbom koristi samo u svrhe za koje su dostavljene ili primljene.

#### Član 19.

Ova se Uredba primjenjuje:

(a)

na području Unije, uključujući njen vazdušni prostor;

(b)

u svim vazduhoplovima i na svim plovilima koji su pod jurisdikcijom države članice;

(c)

na sve fizička lica na području Unije ili izvan njega koja su državljani neke države članice;

(d)

na sva pravna lica, subjekte ili tijela na području Unije ili izvan njega koji su osnovani ili registrovani u skladu s pravom države članice;

(e)

na sva pravna lica, subjekte ili tijela u vezi s bilo kojim poslom koji se u cijelosti ili djelimično obavlja u Uniji.

#### Član 20.

Ova Uredba stupa na snagu sljedećeg dana od dana objave u *Službenom listu Evropske unije*.

Ova je Uredba u cijelosti obavezujuća i direktno se primjenjuje u svim državama članicama.

[Prilog uz Odluku](#)

[Prilozi uz Regulativu](#)